

Na osnovu člana 4. stav 1. u vezi sa članom 8. Zakona o koncesijama Zeničko-dobojskog kantona - Prečišćeni tekst ("Službene novine Zeničko – dobojskog kantona", broj: 5/03) i člana 16. stav (2) Zakona o Vladi Zeničko – dobojskog kantona – Prečišćeni tekst ("Službene novine Zeničko – dobojskog kantona", broj: 7/10 i 3/23), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 86. sjednici, održanoj dana 20.06.2025. godine, d o n o s i

O D L U K U

o pristupanju provođenja procedure dodjele koncesije za zahvatanje površinske vode Šeričkog potoka u količini od $Q_{sr}=269$ l/s za uzgoj ribe-pastrmke na parceli označenoj kao k.č. 211 K.O. Doglode, Grad Zenica

Član 1. (Predmet)

Pristupa se provođenju procedure dodjele koncesije za zahvatanje površinske vode Šeričkog potoka za uzgoj ribe-pastrmke u količini od $Q_{sr}=269$ l/s na parceli označenoj kao k.č. 211 K.O. Doglode, Grad Zenica.

Član 2. (Opšti eliminacioni kriteriji)

- (1) Opći eliminacioni uslovi za izbor najpovoljnije ponude za dodjelu koncesije iz člana 1. ove odluke su sljedeći:
 - a) Studija ekonomske opravdanosti dodjele koncesije za zahvatanje površinske vode Šeričkog potoka za uzgoj ribe-pastrmke u količini od $Q_{sr}=269$ l/s na parceli označenoj kao k.č. 211 K.O. Doglode, Grad Zenica,
 - b) Dokaz o ranije stečenim pravima korištenja predmetne koncesije po osnovu vlasništva nad zemljištem i objektima ili odobrenje drugih organa dobivenih na osnovu posebnih zakona, u slučajevima kada je to neophodno za korištenje predmetne koncesije.
- (2) Opći eliminacioni uslovi vezani za ličnu i profesionalna sposobnost privrednog društva su sljedeći:
 - a) Uvjerjenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu od 3 godine prije početka postupka dodjele koncesije ili od datuma registracije odnosno početka poslovanja, ako je ponuđač registrovan ili je počeo sa radom prije manje od 3 godine).
 - b) Uvjerjenje nadležnog organa da nije predmet stečaja ili likvidacije i da nije u postupku stečaja ili likvidacije.
 - c) Uvjerjenje nadležnog organa o izmirenim javnim prihodima (porezi, indirektni porezi, doprinosi za MIO/PIO i plaćenju koncesionoj naknadi).
 - d) Aktuelno rješenje o upisu u sudski registar.
- (3) Dokazi se dostavljaju u originalu ili ovjerenoj kopiji i ne mogu biti stariji od 3 mjeseca računajući od dana dostavljanja ponude.
- (4) Opći eliminacioni uslovi vezani za ekonomsku i finansijsku sposobnost privrednog društva su sljedeći:
 - a) Izvod iz jedinstvenog registra računa Centralne banke BiH o svim računima ponuđača.

- b) Potvrda poslovne banke ponuđača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponuđač registrovan ili je počeo sa radom prije manje od 6 mjeseci.

Član 3.

(Posebni kriteriji za ocjenjivanje ponuda)

Posebni kriteriji za izbor najpovoljnije ponude za dodjelu koncesije za eksploataciju prirodne vode iz člana 1. ove odluke su:

- a) Minimalni iznos tekuće koncesione naknade je 1,5% od ukupnog godišnjeg prihoda ostvarenog korištenjem koncesije, a najviše po ovom kriteriju:50 bodova,
- b) Minimalni iznos jednokratne koncesione naknade za eksploataciju vode iznosi 1,5 % od ukupne investicije ili procjenjene vrijednosti objekata u funkciji korištenja predmeta koncesije (219.240,00 KM) i iznosi 3.288,60 KM (slovima: trihiljadadvjestoosamdesetosam i 60/100 KM), a najviše po ovom kriteriju:.....20 bodova,
- c) Vlasništvo ili posjedovanje nekretnine-zemljišta na kome se nalazi predmetni objekat na kome je izgrađeno ribogojilište za koje se dostavlja prijava na javni poziv, a najviše po ovom kriteriju:.....10 bodova
- d) Samoinicijativna ponuda koja je služila kao podloga za pokretanje postupka dodojele koncesije za gradnju ribogojilišta, a najviše po ovom kriteriju:10 bodova,
- e) Učešće domaćih privrednih društava u izvođenju radova, koje će koncesionar angažovati je minimalno 50 %, a najviše po ovom kriteriju:.....10 bodova.

UKUPNO:

100 bodova

Član 4.

(Vrijeme trajanja koncesije)

Vrijeme na koje se daje koncesija je 30 (trideset) godina, računajući od dana početka korištenja koncesije, odnosno početka zahvatanja vode.

Član 5.

(Preuzimanje tenderske dokumentacije)

Preuzimanje tenderske dokumentacije vršiće se uz prezentaciju dokaza o uplati naknade za učešće na javnom pozivu u iznosu od 1.000,00 KM (slovima: hiljadu konvertibilnih maraka).

Član 6.

(Javno prikupljanje i evaluacija ponuda)

Zadužuje se Ministarstvo za poljoprivredu, šumarstvo i vodoprivredu da u skladu sa članom 11. Zakona o koncesijama ("Službene novine Zeničko-dobojskog kantona", broj: 5/03), putem Komisije provede postupak javnog prikupljanja ponuda, izvrši odabir u skladu sa odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru ("Službene novine Zeničko-dobojskog kantona", broj: 5/03) i predloži Vladi Zeničko-dobojskog kantona da donese odluku o dodjeli koncesije najpovoljnijem ponuđaču.

Član 7.
(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-21-12258/25
Datum, 20.06.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.